

No. 38. 1352. 21. Dec.

Richter, Burgermeister, Rathleute und Geschworne der Stadt Pirna bezeugen, dass ihr Mitbürger Titze Gral einen Acker zu Cunnersdorf bedingungsweise der Pfarrkirche zugewendet und vor Gericht aufgelassen hat.

Wir rychter Hannus von Radeberg genant, Nyckil Nuwewirt burgermeister, Peczol Ygil, Heynrich Sargil, Nyckil Kromer, Auchz, Hannus Wynant, Cvnot Wynkeler, Hinrich Rothechyn, Hannus Manewicz, Nyckil Welczil, Gunther Store, Nyckil Grozse rotlute vnd gesworne der stat czu Pyrne bekenen yn deseme offin bryue allen dy en sen horn vnd lezen, daz Thydze Gral vnser meteburger mit gutem willen mit rote synir vrunde vnd mit gūten willen syner geswistir Jacoph Slegils vnd Kelen burgerinne czu Drezeden hot synen acker czu Cvnrisdorf^{a)} geleyt vor vns vnd dem lenherren Symon Forster genant vnser meteburger vnd den erbgnozsin do selbist czu Cvnrisdorf yn gehegeteme dinge czu selekeyt synir sele vnd alle synir altfordirn czu eynir ewegen kerzen von nvnzen phvnden wachs alle iar ewelichin czu machene vfgegebin, gereicht vnd bescheyden vnser pharrekirchen yn Marien der hymelyschen kvnegine ere gewigit noch syme tode ewelich [in] sulche wÿs, weris ab he von der sūche, do he yczunt mete beswert ist, von gotes gewalt abe ginge; weris abir, daz he der sūche geneze vnd by dem lebin blebe, so sal he dez vngenanten ackers alze gewaldic syn, alz he vor gewest ist, mete frige macht czu tvne vnd czu lazen, an^e hindirnize vnd an alliz arg. Daz diz bekentnize, vfgebvng vnd bescheydonge stete gancz vnvorserit blybe, dez habe wir mit vnser stat yngesegil desin bryf heyzsen vesten. Gegebin noch gotiz geburte dryczenhundirt iar vnd yn dem andirn vnd fvmfzegisten iar an dem frytage nest vor sente Johannes tac dez heylegen apostiln vnd ewangelisten. Dez syn wir geczug mit den erbgnozsen vnd sy mit vns Jone Nuwewirt, Thydze Kirnespec, Walther Wolfil, Cvnot Thyzen eydem von Sezen, Nyckil Becker vnd andirre bedirbir lūte genug, den wol czu gelouben ist.

Nach dem Orig. im Rathsarchiv zu Pirna mit dem Stadtsiegel an einem Pergamentstreifen.

a) Cunnersdorf, Par. Pirna.

No. 39. 1355. 11. März.

Richter, Burgermeister, Rathleute und Geschworne beurkunden die erfolgte Ueberweisung einer Fleischbank mit 2 Mark ewiges Zinses an den Altar der Familie von Melnik, mit der Bestimmung, dass der Priester, welchem obliegt täglich eine Messe zu lesen, auch die Fleischbank, von welcher der Stadt jährlich ein halbes Schock Groschen gebührt, nach Gutdünken zu vergeben haben soll.

Wir Hannus von Wyllinthin richter, Gunther Store burgermeister, Peczult Ygil, Hannus Dytherichsbach, Nickel Nuwewirt, Heynrich Rotchin, Hannus Manewicz, Heynrich Jonsbach, Tycze Welczel, Pecz Zehvlin, Petir Store, Cvnat Wynkeler, Nickel Monczemeystir rotlute vnde gesworne der stat Pirne wollen offinbar syyn